

榮縣志卷一

天文志

星野

易曰觀乎天文以察時變周禮保章氏掌天星觀變遷而定吉凶蓋上爲列星下爲分野定其躔度可驗禋祥未容褻也榮處嘉定西南隅準蜀分野在參之次傳說紛紛當以天官書天文志爲合然古之知天者莫若丹元子茲將其步天歌載入竝綴以圖俾觀象者得備稽考焉志星野

邑在先漢舊隸犍爲郡晉書天文志有曰觜參魏益州

榮縣志

卷一

天文志


星野

一

廣漢入觜一度越嶲入觜三度蜀郡入觜一度犍爲入參三度牂牁入參五度巴郡入參八度漢中入參九度益州入參七度蓋本天官書而詳言之也蜀紀曰參伐蜀分華陽國志曰仰秉參伐按博雅云在天一度統地二千九百三十二里以此推之榮當仍在參星三度內丹元子步天歌

總是七星觜相侵兩肩雙足三爲心伐有三星足裏深玉井四星右足陰屏星兩扇井南襟軍井四星屏上吟左足下四天廁臨下有一物天屎沈

參宿圖



參十星距中星西第一星去極九十二度半 玉井西

星距西北星去極九十八度少入畢宿十一度半 天

屏四星距南星去極一百一十五度入畢宿十三度半

軍井四星距西南星去極一百五度半入畢宿十四

度 天廁四星距西北星去極一百一十度半入參宿

二度 屎一星去極一百一十五度入參宿三度半